

大乘大悲分陀利經卷第五

駒七

失譯師名附秦錄

大師立願品第十六

善男子。爾時海濟婆羅門心生是我念我已勸化多億那由他百千衆生於阿耨多羅三藐三菩提。令此大衆無不是者。此諸摩訶薩各

堅利

立妙願。取淨佛土。唯除婆由毗師細賢劫中者。彼亦避惡世。我念應惡世中以法味。諸衆生我應堅固勇猛。應以如是作師子吼。令此一切菩薩大衆得未曾有。又令一切大衆天龍夜叉。乾闥婆阿脩羅及世人。皆合掌禮恭敬於我。今佛世尊讚我善哉。并授我記。又於十方無量無邊阿僧祇世界中。現在住世爲衆生說法。諸佛世尊我師子吼時。令彼諸佛讚我善哉。亦授我阿耨多羅三藐三菩提記。令彼遣使慰喻於我。令此大衆聞見彼使我當於中爲後世具大悲菩薩安立願眼。令後時乃至我逮菩提。聞我願者。令彼亦得極未

曾有復於後時菩薩具大悲者。令彼如是於濁佛刹大惡世時。願取菩提妙法。聞冥結病漂者。令救濟之。而作佛事。爲衆生說法。乃至我般涅槃後。過不可思議不可稱量無邊佛刹中。諸佛世尊皆於菩薩衆前稱譽讚歎我。爲諸菩薩說我願眼。令彼菩薩受大悲力。聞我願者。得未曾有。亦於衆生發起大悲。令彼如是取菩提願。如我今日取願。無異彼亦如是。濁刹中成三菩提。於四漂浪濟脫群萌。以三乘法化度衆生。乃至著涅槃道。善男子。爾時國大師海濟婆羅門具修。如是大悲願已。整衣服。偏袒右肩。詣寶藏如來所。即於爾時多億那由他百千諸天。於虛空中作億天樂。雨衆天華。同聲讚言。善哉善哉。善丈夫。至世尊所。今取妙願。以智慧水滅世衆生煩惱。苦結一切大衆。合掌向之。同聲讚言。善哉善哉。妙達智慧。饒益我等。妙意堅願。我等欲聞時。大師至世尊所。右膝著地。時三千大千刪提

蘭佛刹六種震動極大震動極搖傾動峴峨  
涌沒鍾鈴螺鼓自然而鳴禽獸眾鳥出柔輒  
音世界枯樹皆生華葉於此三千大千世界  
地在鬼神有勸善提有未勸者除地獄餓鬼  
種種畜生彼一切得饒益心善心無怨嫉心  
無濁心慈心未曾有心皆得充滿有眾因空

駒七

任者彼於虛空意得歡喜以諸雜華髮香音  
雜寶幡蓋及以幢麾衣被房舍以柔輒聲為  
聞婆羅門願故以用供養乃至阿迦尼吒際  
諸天盡下閻浮提住虛空中持諸天香乃至  
房舍為聽婆羅門願故以用供養亦時婆羅  
門叉手合掌以偈讚歎寶藏如來言

遵遊三昧如梵王	顏色從容猶帝釋
施與錢財如國主	持最妙寶若仙尊
德輒吼音如師子	堅固不動喻須彌
無有怒恚如大海	含忍好惡等如地
除一切垢如大水	燒諸結林如火
無所染著猶疾風	開現真實如大天

牟尼澍法如龍雨 充濟世間猶時澤  
降伏外道如論師 仙放德香如妙華  
妙聲柔輒如梵王 治世脫苦如良醫  
心任平等如慈母 常攝眾生喻如父  
破諸堅怨如金剛 斷恩愛枝如神劍  
濟度眾生如船師 施人智慧如牟尼

施涼光如牟尼月 開敷人華猶如日  
施四上果如妙樹 仙眾圍繞如鳥王  
尊意甚廣如大海 等心於世猶草木  
觀諸法性如空拳 尊等隨世譬如水  
佛授多眾菩提記 持最妙相善大悲  
我化眾生多無量 願今授我菩提記

駒七

三

於濁結怨世成佛 安置眾生寂靜道  
善男子國大師海濟婆羅門以是偈讚寶藏  
如來已即時一切大眾天龍夜叉輒閻婆世  
人歎言善哉時國大師白佛言世尊我勸化  
多億那由他百千眾生於阿耨多羅三藐三  
菩提彼各各觀已而受妙土取清淨意種種諸

善根易化衆生此千四月鬘等通四鞞陀羅如來所可授賢劫中記者彼諸丈夫亦以三乘教化貪欲瞋恚愚癡吾我衆生彼等亦捨重結煩惱惡世棄無間業誹謗正法非毀賢聖任於邪見之聖七財不知父母不識沙門不別婆羅門不知作恩不作福德不畏後世不求三善天人之德造三不善之十善業爲一切善知識所棄爲一切慧人所譏爲三界煩惱駛水所漂沒在生死灰河燒煮癡冥所蔽離諸善業棄彼衆生置無佛國離諸善根集不善根困於邪道處大曠野當今之時娑訶世界賢劫中人轉壽千歲爲此智慧諸善丈夫之所棄捨當於今時爲三界生死因緣所逼無救無趣無所歸依苦器所困捨此衆生各取妙土易化淨意種諸善根精進不懈以曾親近供養多佛而濟化之世尊如是不耶寶藏如來而告之言如是如是婆羅門隨彼衆生立願所取佛土莊嚴我亦如是授彼

等記婆羅門白言世尊我心振搖如芭蕉葉意甚憂慮舉身喏然世尊是一切大菩薩皆發大悲然棄彼時惡世熾盛衆生處在闇昧之中皆是所棄世尊我亦於當來世過一恒河沙數阿僧祇二恒河沙阿僧祇三恒河沙阿僧祇之餘於賢劫中待世人壽千歲時我能於今所時處在生死行善提行我能不以願力取度衆生當行六波羅蜜而取化度曾從佛聞能捨物施是檀波羅蜜我當如是行檀波羅蜜在所生處有來求者我當如是行之所謂飲食伎闍蒲闍螺夜梨舍衣服卧具園林房舍鬘飾塗香隨病與藥幢旛摩蓋錢

駒七

四

財象馬車乘金銀雜寶摩尼真珠瑠璃螺及碑磔碼碯珊瑚琥珀玫瑰并及餘寶悲念衆生以歡喜施如是等物度衆生故不望果報爲攝度衆生故具足施與復有衆生求極難捨我當與之所謂奴婢聚落城邑宮殿王位妻妾男女及與手足眼耳鼻舌皮膚血肉骨

隨身命乃至求頭悲念衆生以極歡喜如是施與不求果報為攝度故我當如是行檀波羅蜜先未曾有菩薩行阿耨多羅三藐三菩提行能如是行檀波羅蜜者後亦無有菩薩行阿耨多羅三藐三菩提行能如是大施如我在所生處無量阿僧祇億那由他百千劫中行阿耨多羅三藐三菩提行檀波羅蜜我當為後具大悲菩薩安立施眼功德先思惟諸結是尸羅波羅蜜我當如是行阿耨多羅三藐三菩提行種種持戒我行無上難行苦行如前所說於境界不墮落觀我無我故是羸提波羅蜜我當如是修行羸提如前所說又馱患諸有為一切無為靜寂行無上而不退是毗梨耶波羅蜜於一切作捨行空等是禪那波羅蜜如性無生法忍是般若波羅蜜我當如是堅固勇力無量阿僧祇億那由他百千劫中行般若波羅蜜先無菩薩行阿耨多羅三藐三菩提行有能如是堅固勇力

駒七

五

行般若波羅蜜者後亦無菩薩行阿耨多羅三藐三菩提行有能如是堅固勇力行般若波羅蜜如我所行為後時具大悲諸菩薩安立慧功德眼我初發心為後菩薩示現大悲乃至無上般涅槃彼諸菩薩得未曾有是故我不輕行施戒無依忍無想進無住禪無著慧無二我不求果報衆生乏聖七財捨棄彼一切衆置無佛土中作無間業謗正法毀賢聖盡皆邪見集不善根隊在曠野為此邪道所困衆生故我以極勇猛力行波羅蜜一一衆生所為置善根種故於十大劫能受阿鼻地獄苦痛如是畜生餓鬼夜叉貧窮人中貧窮能忍斯苦如一切衆生所置善根種我當如是攝度無憊心意焦枯衆生乃至賢劫之際我不求人天榮利之福唯除一生補處在兜率天待成菩提時我於今所時生死中親近佛土微塵數諸佛以佛土微塵數種種供具供養一一諸佛於一一佛所得佛土微塵

數功德佛土微塵數衆生勸以菩提辟支佛乘聲聞乘亦如是隨其所欲我以如是而勸化之若世無佛我作仙人以諸善業化彼衆生今住神通困於邪見奉事摩醯首羅天者即現摩醯首羅天勸以善業現那羅延日月乃至現梵天形勸以善法或現迦樓羅勸迦樓羅鳥修諸善行乃至現爲兔形飢渴衆生以身肉血而充濟之以已身命救彼一切急厄衆生世尊我當於尔所時以極勇力修諸難行爲心意焦枯乏善根者我於尔所時爲衆生故受於種種苦切乃至過一恒河沙數阿僧祇二恒河沙阿僧祇之餘始入賢劫中如月鬘童子成阿耨多羅三藐三菩提号迦羅迦孫陀如來今我尔時以聖慧眼見於十方各千佛土微塵數世界中已轉法輪現在住世諸佛世尊是我先所勸化心意焦枯集不善根乏聖七財爲一切所棄在空佛上作無間業誹謗正法非毀賢聖乃至邪道所困

騎七

六

處大曠野者我先爲彼衆生讚歎阿耨多羅三藐三菩提勸以阿耨多羅三藐三菩提令住其中者彼衆生是我先所勸化住檀波羅蜜乃至般若波羅蜜者彼衆生是我置無上涅槃善根種者拔出惡趣者使立具智慧福德將至現在住世諸佛世尊所得受阿耨多羅三藐三菩提記者得三昧陀羅尼忍辱者得登地者彼衆生是我先所勸化教使立願取莊嚴佛土隨彼所欲取莊嚴佛土者我尔時始入賢劫迦羅迦孫陀聖日出時令我見於十方各千佛土微塵數世界中現在住世爲衆生說法諸佛世尊迦羅迦孫陀如來應供正遍知成佛未久我當往詣其所以種種供具而供養之諮請問難出家修戒多聞三昧說法第一唯除如來於彼時心意焦枯衆生集不善根沒邪見道作無間業乃至邪道所困曠野衆生我當攝度而爲說法聖日沒後我當具作佛事如是迦那牟尼迦葉成

佛未久往至其所乃至具作佛事展轉乃至千歲世人以三福地安立眾生過是已往上升天上爲天說法而攝度之乃至眾生百二十歲極甚愚癡憍傲恃色自倚種族昏濁無識多懷嫉恚處在五濁閻冥是諸眾生貪欲瞋恚愚癡甚重憍慢嫉妬染著非法非法自

駟七

七

活邪見倒見之聖七財非母非父非沙門非婆羅門不知作恩不作福德不畏後世不修三福地不求三乘不修三善業修三惡業不修十善業樂修十不善業爲四顛倒所困住四迴轉隨順四魔四疾河所漂常隨五蓋六情昏愚沒在八邪曠野恒起諸使不求天人福德爲倒見邪道所困作無間業誹謗正法誹毀賢聖離諸善根剛強鹿獮不知恩分若有所作尋即忘失見修善者惡心譏謗凌慧少聞諸根不具羸瘦少力衣服乏短親惡知識胎中忘念衆病所困顏色醜惡不顧前後無有慙愧更相恐怖一小食頃身口意行多

作惡業以是爲貴衆生常見斷見著五陰心貪五欲心喜心掉心怨心欺心濁心麤心恚心不調心不執心不柔伏心著非法心無住心相求心散亂心更相害心離法心無報心計有法心滅善心不生善心不求涅槃靜心不知應供養心集一切使縛心老病死無因緣心受諸煩惱心執一切障礙心毀法幢心慳見幢心更相訾毀心共相食噉心自貴心困他心嫉妬熾盛心共相殺心貪欲無厭心嫉他一切所有心無恩分心染穢心邪婬心欺調心無願心是時衆生無不介者於中展轉相從聞如是聲所謂地獄聲畜生聲餓鬼聲病聲老聲死聲害聲難聲陰使他國聲枷鎖杻械繫閉聲拷楚聲說是非聲罵詈聲穿鑿聲壞衆聲竊盜聲軍馬聲饑饉聲貪欲邪婬聲妄語聲癡狂聲綺語聲惡口聲兩舌聲嫉妬聲出內積聚聲鬪諍聲吾我聲愛憎聲愛不受聲愛別離聲怨憎會聲販賣聲送相

鬻賣聲處胎聲臭穢聲寒聲熱聲飢聲渴聲  
 疲乏聲疼痛聲種種聲憂種種業聲種種苦  
 逼聲種種疾疫聲衆生展轉相從聞如是聲  
 有四十五如是之無善根甚善知識惡心衆  
 生今時充滿娑訶世界彼諸衆生爲一切薩  
 婆若所棄處無佛刹謂無布施持戒修定無

騎七

八

善業集諸不善法我當以八分聖道度生死  
 海置無畏城今時衆生緣惡業重於賢劫中  
 壽百二十歲以彼衆生惡業重故娑訶佛刹  
 當極弊惡爲諸福德種善根者所見棄捨處  
 處地生鹹鹵瓦礫土石諸山高下不平多諸  
 毒蟲蚊蚋惡蛇鳥獸今時充滿非時風起惡

濁塵澁非時暴雨雜毒鹹苦霜雹災降地生  
 如是惡種草木枝葉華果諸穀種味衆生服  
 食養身之具非時惡濁雜毒麤澁彼諸衆生  
 食之皆當增長麤惡殺害欺誑傳說是非不  
 相恭敬生怖畏心相憎嫉心欲相害心飲血  
 食肉衣之以皮好執兵器傷殺殘害恃已族

富貴筭數外書跨馬鳴弦人衆鬪戰嫉妬傲  
 慢勤修種種如斯鄙賤是苦難世今時我當  
 從兜率天下爲度衆生熟善根故於最妙轉  
 輪王種第一夫人腹中受胎而住我當今時  
 放妙光明遍照娑訶佛土上至阿迦尼吒天  
 下至金輪際妙光周遍今時衆生娑訶佛

刹者或在地獄或爲畜生或爲餓鬼或生天  
 上或生人中在色界無色界想無想非想非  
 非想處令彼一切見斯光明覺觸其身令彼  
 一切獸生死苦樂求涅槃乃至住滅結心是  
 初種涅槃道種我當受一切法決定三昧受  
 一意法門三昧心十月住母腹中又我得佛

騎七

九

衆生獸離生死我所應度者令彼衆生於十  
 月中見我在胎結跏趺坐心入三昧如摩尼  
 現滿十月生時以集一切福德三昧六種震  
 動一切娑訶佛土上至阿迦尼吒天下至金  
 輪際皆悉震動彼時衆生娑訶佛土者或  
 在地獄乃至人中悉覺悟之我當從母右脇

而出又以妙光普照娑訶佛刹無不周遍尔時亦復覺悟娑訶佛土一切衆生於未種善根衆生所著涅槃種於已種涅槃種衆生生誓願芽若我足蹈地時令此娑訶佛土六種震動峴峨踊沒乃至金輪際尔時衆生有依水依地依空依四生處依止五趣我當覺之

有衆生未生誓願芽者當令生已生誓願芽者令住三乘得不退轉令我生時娑訶佛土大梵魔王帝釋日月護世諸天龍王阿脩羅化生大威德夜叉羅刹龍脩羅令彼一切來供養我令我適生即行七步我以集一切福德三昧如是說法令彼大眾得住三乘其大衆中求聲聞乘者令住最後身我當度之其有衆生求辟支佛乘者令彼一切得顯明華忍其有衆生求無上大乘者令彼一切得金剛持海不動三昧以是三昧得登三地我欲浴時令其中最勝龍王彼來浴我其有衆生見我浴者令彼一切住於三乘獲如是德如

前所說其有衆生見我乘者略說爲童子遊戲及種種業示教衆生在宮姪女遊戲五欲心生厭患中夜捨出除去瓔珞嚴身之具爲伏諸異學尼乾陀遮羅迦婆利婆羅閣迦離波路多衣求應法服詣菩提樹有衆生見我諸善提樹者我當以集一切福德三昧爲彼

衆生說如是法令彼一切勤求三乘其有衆生植聲聞種令彼衆生一切結熟住最後身從我得度其有衆生求辟支佛乘者令彼一切得顯明華忍有植大乘種者令彼一切得金剛持海不動三昧以是三昧得登三地我當手自執草善提樹下敷金剛座於彼座上

結跏趺坐端身正意我當如是入不動禪滅出入息日日一從禪起食半胡麻半以施人我當尔所時行是苦行令乃至阿迦尼吒際依娑訶佛土一切諸天來供養我令彼一切證我苦行其有求聲聞乘者世尊令彼諸結皆悉除滅住最後身從我得度有求辟支佛

乘者乃至如前所說如是天龍夜叉乳闍婆  
阿脩羅迦樓羅緊那羅摩睺羅伽餓鬼毗舍  
遮鳩槃荼五通仙人如是等來供養我今彼  
一切證我苦行其有求聲聞乘者乃至如前  
所說於此四天下異學行履弊苦行者今天  
非人唱告彼言汝等苦行無大果報復非未  
曾有於如是處住最後身菩薩所行苦行入  
是禪捨心行縛離於身行滅口行喘息日日  
一從禪起食半胡麻彼是苦行彼果甚大彼  
大寬廣不又當得阿耨多羅三藐三菩提汝  
等不信可自往觀今彼一切捨離苦行盡來  
見我苦行者有植聲聞乘種者乃至如前所  
說若有人王群臣百官及餘庶民在家事家  
業者今彼一切來至我所見我苦行有求聲  
聞乘者如前所說若有女人來見我者今是  
最後女身更不復受有求聲聞乘者如前所  
說若有禽獸見我坐修苦行者今最後畜身  
更不復受有禽獸植聲聞乘種者今更一生

騎七

士

從我得度有求辟支佛乘者如前所說種種  
畜生作如是說餓鬼亦如是說我當於今所  
時行如是苦行一結跏趺坐今多億那由他  
百千衆生證我苦行得未曾有於彼所種無  
量阿僧祇解脫種我當如是修行苦行先無  
衆生數異學聲聞乘辟支佛乘無上大乘能  
行如是苦行者後亦無有衆生數異學乃至  
大乘能行如是苦行如我所行我未逮阿耨多  
羅三藐三菩提作丈夫行降魔官屬留餘業  
報破結使魔成阿耨多羅三藐三菩提於其  
中我當今一衆生得阿羅漢如是爲二法得  
阿羅漢如是第三第四說法得阿羅漢我當  
爲一一衆生故現百千神通今在正見說多  
千法文義具足隨所在果衆生結山猶如金  
剛我要當以金剛慧杵而破壞之說大乘法  
爲一一衆生故步涉多百由旬而爲說法置  
無畏道今我法出家無有遮礙羸瘦少力荒  
忘在心剛強傲慢無慧多結煩惱亂心及與

女人今我法出家得受具足今我有四眾比丘比丘尼優婆塞優婆夷今我法中有多耶若今天見諦夜叉龍阿脩羅具八聖分齊乃至畜生今修梵行世尊我逮菩提已有眾生於我惡心害心若刀火石若以種種器仗來至我所履言罵辱又於十方誹謗揚惡雜毒飲食而用施我我當如是留殘業果成阿耨多羅三藐三菩提我逮菩提已眾生於我先有怨嫌執持殺具種種器仗履言罵辱雜毒飲食來至我所出我身血我以大悲梵柔軟音猶如鍾鼓雷震之聲為彼眾生說如是法戒聞三昧及與淨心令彼眾生得住於善改悔惡業逮具淨戒令彼眾生無失解脫果離欲漏盡障礙業報我於是盡所留業果世尊我逮菩提已隨身毛孔之數日現示所化佛皆具三十二大人之相八十種好我當遣彼化佛至空佛刹又遣至不空處亦復遣至五濁佛刹彼諸國中眾生造無間業謗正法毀賢

駒七

七

聖乃至集不善根其中有求聲聞乘者求緣覺乘者求大乘者於戒缺漏威儀不具犯於根罪心意憔悴枯違失善道墜生死曠野為邪道所困沒在曠野令一一化佛日為如是億那由他百千眾生隨所說法有眾生奉事摩醯首羅天者隨現摩醯首羅天形而為說法稱我妄訶佛土勸彼眾生迴向誓願彼諸眾生聞我名者今彼眾生願生我國世尊若彼眾生命欲終時我不現前不為說法不生善心者令我莫證阿耨多羅三藐三菩提彼眾生命終已若墮惡趣不生我國得受人身者使我忘失一切正法不現在前今我不能具成辦作佛事有眾生奉事那羅延者乃至眾生命終已後若墮惡趣乃至令我不具成辦作佛事也我逮菩提已於一切佛土有造無間者乃至邪道所困墜曠野者令彼終已生我國中彼身相貌猶如土色面若毗舍遮念忘多失破戒臭穢多病短命乏眾供具彼諸

衆生壽命短促我時爲彼衆生故於娑訶世  
 界隨幾四天下我當於彼一切四天下從兜  
 率天降神母胎示現出生略設童子遊戲種  
 種技藝苦行降魔成三菩提轉正法輪於一  
 切四天下示現具足作佛事已而般涅槃乃  
 至現分舍利

駒七

十三

我逮菩提已設一種句法有衆生求聲聞乘  
 者令彼得解聲聞法藏設有衆生求緣覺乘  
 者令彼得解因緣法藏設有衆生求無上大  
 乘者令彼純解摩訶行設有衆生未具功德  
 欲求菩提者令彼得解布施法設有衆生乏  
 無福德求生天樂者令彼得解戒法設有衆生  
 更相怖畏濁心惡者令彼得解慈法設有喜殺  
 生者令彼得解悲法設有慳貪嫉心者令彼得  
 解喜法設有恃色倚強欲心昏濁者令彼得解  
 捨法設有耽著愛慾心者令彼得解不淨法設  
 有大乘衆生憍慢亂心者令彼得解阿那波  
 那念法設有少慧求燈明者令彼得解因緣

法設有少聞學者令彼得解不忘失聞持法  
 設處邪見曠野者令彼得解空法設多相因  
 者令彼得解無相法設不淨願因者令彼得  
 解無願法設身意不淨者令彼得解身意柔  
 和法設亂行所因者令彼得解不忘菩提心  
 法設懷於瞋欲造因者令彼得解無怨心法設  
 減至意因者令彼得解無法設惱心者令彼  
 得解無嫉法設略說忘善者解照明設作魔  
 業者解淨設沒他論者解勇出設種種結因  
 心者解去離設沒偏道者解旋法設大乘怖  
 望心者解不退設獸生死者解善權樂設未  
 得善地智者解增長設不想善善根者解惱  
 悔設心不等者解無礙光設沒惡業者解濟  
 度設衆中畏者解師子勝設四魔陵心者解  
 勇健設意不明佛刹者解莊嚴光設憎愛者  
 解脫捨設佛法明不學者解第一幢翅由邏  
 設乏大慧者解光明設愚闇困者解日燈設  
 不求無盡辭者解作得設如沫求我者解那

羅延設意傾動者解堅住設觀頂者解高幢  
設捨先誓者解堅固設退通者解金剛意設  
求道場者解金剛場設一切法不辱者解如  
金剛設欲知他心所念者解行處設欲知他  
根者解慧道設言不相了者解入辭設未得  
法身者解修一切身設希見如來者解不眇

駒七

由

設具念一切作者解無諍設求轉法輪者解  
無垢輪設無因邪求者解明順因緣設一佛  
土常見者解善作語設未種相好因者解莊  
嚴設不能分別言音者解辭道設求一切種  
智智者解法性不隱設於法退轉者解堅固  
設不達法性者解通達設捨誓者解不退設

道隱者解無貌設求等虛空智者解無所有  
設未滿波羅蜜者解淨住設未滿攝物者解  
善攝設未住梵行者解等住設未滿助菩提  
寶者解不住行設忘失善說智心者解海印  
設希望無生法忍心者解決定設如所聞法  
廣分布心者解不忘失設更相善說無厭足

者解無障設未得敬信三寶者解集福德設  
法門雨不知足者解法雲設三寶斷見者解  
寶莊嚴設不作智業者解無生設一切煩惱  
縛者解空門設於一切法輕心者解智印設  
未滿如來德者解世諦現門設於先佛所未  
積德者解必變化設未說一法門究竟念者

解一切法性設一切經未了者解法寶等設  
離六和敬法者解一切法相設不為思惟解  
脫者解遊戲神通設欲入如來秘密者解不  
求他設不勤修菩薩行者解得智設不現生  
者解至一切處設行菩薩行有殘者解受職  
設如來十力未滿者解最勝設未得四無畏

駒七

十五

者解勇進設未得不共法者解阿僧祇意設  
無愚聞見者解願道設不能現前覺一切佛  
法者解白淨無垢印設有餘薩婆若智者解  
善覺意設未逮如來一切作者解無邊盡法  
設有無量阿僧祇求大乘菩薩不諂曲不幻  
偽端直者令彼菩薩以一句音得八萬四千

法門八萬四千三昧七萬五千陀羅尼以是功德諸菩薩摩訶薩以大莊嚴而自莊嚴令勇發不可思議妙願令菩薩不可思議知見功德以自莊嚴謂身莊嚴以相好口莊嚴以如意善說令衆歡喜心莊嚴以三昧不退念莊嚴以持不失意莊嚴以強識至莊嚴以至覺義志莊嚴以堅誓作莊嚴以辯誓志極莊嚴以過地非地施莊嚴以捨一切物戒莊嚴以白淨無垢意忍莊嚴於一切衆生無高下心進莊嚴以一切事辦禪莊嚴以一切三昧遊戲神通慧莊嚴以知結使因由慈莊嚴以至一切衆生處悲莊嚴以不捨一切衆生喜莊嚴以一切法得無疑惑捨莊嚴以毀譽無二通莊嚴以遊戲一切通福莊嚴以得寶手無盡藏智莊嚴以解一切衆生心念所行覺莊嚴以善法覺一切衆生明莊嚴以得慧眼明辯莊嚴以得義法辭應辯勇悍莊嚴以伏衆魔及諸異論德莊嚴以逮佛無上德法莊

嚴以阿僧祇辯令普爲衆生說法明莊嚴以照一切佛法光莊嚴以照諸佛刹變化說莊嚴以所說不錯變化教授莊嚴隨所應教誠神變莊嚴以到四神足彼岸一切受如來莊嚴以入如來祕密法自在莊嚴以智不從他得敬順一切善法莊嚴以如說修行一切處無能退者無量阿僧祇求大乘衆生我以一句音淨除多不善以充足之令彼諸菩薩摩訶薩於一切法不因他得智具大法明速成阿耨多羅三藐三菩提

世尊又餘世界中衆生造無間者乃至犯根罪心意焦枯有求聲聞乘有求辟支佛乘有

駒七

十六

求無上大乘者以隨願故生我佛土集不善根鹿獐樂惡剛強倒見不攝意志我當爲彼八萬四千心行亂意衆生廣說八萬四千方部法其中衆生求無上大乘者我當爲彼廣說六波羅蜜法廣說檀波羅蜜乃至廣說般若波羅蜜其中衆生有求聲聞辟支佛乘未種

善根求度世者我當令彼住三歸依後乃令住波羅蜜喜殺生者令住不殺貪重者令住不盜染著非法者令住不邪婬妄語相說者令住不妄語樂昏濁者令住不飲酒其有衆生有此五病者我當令彼斷是五患住優婆塞戒有衆生不樂善法者我當令彼一日一

夜住聖八分戒其有少樂善根者我當令彼來近我法出家十戒得住梵行其有衆生樂求善法者我當令彼於善法中得受具足盡住梵行我當爲如是造無間業乃至不攝意志衆生故以多種種若干句義文字變化而爲說法示現陰界入無常苦空無我令住善

安隱妙寂無畏城我當爲四衆比丘比丘尼優婆塞優婆夷說如是法其有喜樂論者我當爲彼現諸法論乃至求解脫者我當爲彼現於空論其有不樂善法者我當爲彼說勸化業樂者我當爲說誦習一向禪定解脫我爲一一衆生故步步多百千由旬多種種若

駒七

七

干句義文字方便變化忍此疲倦終至置於涅槃乃至以誓願力我當五分壽減一欲般涅槃時我當碎身舍利如半芥子爲悲衆生故然後當入涅槃令我涅槃後正法住世千歲像法住世復五百歲

大乘大悲分陀利經立願舍利神變第第十七

我般涅槃後其有衆生以衆寶物供養舍利乃至一稱南無佛一禮一旋一合掌一華供養者令彼一切隨於三乘得不退轉我般涅槃後其有衆生於我法中能受一戒如說奉持乃至讀誦一四句偈爲他人說其有聞者能發好心供養法師能以一華或設一禮令彼一切隨於三乘得不退轉乃至正法滅盡法燈永滅法幢倒已令我舍利乃至入地金輪上住隨其幾時娑訶世界窮乏珍寶令成琉璃珠現如火色名曰勝意令從彼上乃至阿迦尼吒際住雨種種華曼陀羅華摩訶曼陀羅華波利質多羅伽華曼殊沙華摩訶曼

殊沙華盧遮摩那華陀羅華摩訶陀羅華無  
垢輪華千葉華千葉華百千葉華普光華普  
香華善樂華薩哆華盧遮那華樂明月光華  
明月華無量色華無量香華無量光華今雨  
如是等大華雨令彼諸華出種種柔軟聲所  
謂佛聲法聲僧聲三歸依聲優婆塞戒聲聖

八分戒聲出家十戒聲施聲戒聲具足梵行  
聲勸化聲誦聲習聲禪定思惟九觀聲不淨  
聲阿那波那念聲非想處聲無所有處聲無  
量識處聲無量空處聲勝處聲一切處聲止  
觀聲空無相聲緣起聲今出具足聲聞藏聲  
今出具足辟支佛乘藏聲具說大乘六波羅

蜜令彼諸華出如是聲令彼色界諸天聞如  
是聲各自識念先造善根令彼於一切善法  
摩訶薩不嫌令從彼下爲娑訶世界一切人  
說十善業今住其中令欲界諸天亦如是聞  
今彼一切捨受使遊戲樂著心意令彼一切  
各自識念先作善根令彼從天來下爲娑訶

勸七

十八

世界一切人說十善業勸令住中令彼諸華  
於虛空中變成雜寶世尊所謂金銀摩尼真  
珠瑠璃磲磔碼碯及螺珊瑚琥珀玫瑰右旋  
一切娑訶佛土令雨如是等寶除滅娑訶佛  
土瞋諍言訟饑饉疾疫及他軍馬惡風雜毒  
一切除盡令安隱康健無諸閻諍言訟繫閉

娑訶佛土一切豐樂其有衆生見寶觸寶隨  
作供具者令彼一切於三乘法得不退轉令  
彼逮下乃至金輪上住世尊如是刀兵劫時  
令彼舍利復更變成紺玉摩尼上至阿迦尼  
吒際住降種種華雨所謂曼陀羅華摩訶曼  
陀羅華波利質多羅華乃至無量光華令彼  
諸華出種種妙聲所謂佛聲乃至如前所說  
令彼舍利乃至金輪上住如是饑饉劫時復  
令舍利上昇虛空乃至阿迦尼吒際住降大  
華雨乃至如前所說如是疾疫劫時亦如前  
所說如賢劫中我般涅槃後舍利當作佛事  
勸化過數衆生於三乘住不退轉如是五佛

土微塵數大劫中我舍利化衆生於三乘在  
不退後過千恒河沙數阿僧祇於十方無量  
阿僧祇餘世界中諸佛世尊於彼出者是我  
爲菩薩時行阿耨多羅三藐三菩提行先所  
勸化於阿耨多羅三藐三菩提令住其中者  
亦是我勸以波羅蜜得住中者亦是我逮菩

駒七

九

提已勸化衆生以阿耨多羅三藐三菩提令  
住中者又我般涅槃後衆生以我舍利神變  
發阿耨多羅三藐三菩提心者彼亦於後過  
千恒河沙數阿僧祇時令彼菩薩於十方無  
量阿僧祇餘世界中成阿耨多羅三藐三菩  
提已稱譽讚歎說我名号過去久遠今時有

劫名賢於彼賢劫始第四聖日名号如是彼  
先勸化我等以阿耨多羅三藐三菩提於焦  
枯意集不善根造無間業乃至邪見今我等  
得任六波羅蜜緣是我等今得轉入一切種  
智行正法輪轉深妙輪令多億那由他百千  
衆生生天任解脫果其有衆生求菩提者彼

如來所聞稱譽我今以如是問彼如來唯世  
尊彼如來見何義趣於彼重結五濁惡世成  
阿耨多羅三藐三菩提令彼諸如來爲求菩  
提善男子善女人說我是具大悲是初發心  
佛土莊嚴立願本事今彼求菩提善男子善  
女人得未曾有信樂大法令彼亦於一切衆

生發如是大悲立如是願攝度重結五濁惡  
土造無間業乃至集不善根者令彼諸佛如  
來亦以是授彼具大悲求菩提善男子善女  
人記隨善男子善女人意重結五濁惡世立  
願復餘諸佛世尊以我舍利神變爲求菩提  
善男子善女人廣說本事過去久遠時有聖  
日名号如是般涅槃後舍利於今所時爲如  
是苦切衆生現如是種種若干神變以彼舍  
利神變我等初悟阿耨多羅三藐三菩提心  
集諸善報廣修波羅蜜乃至如前所說

駒七

大乘大悲分陀利經卷第五

二十

峇峨下上可反我反塵許為從容密上七澍注音空拳體  
下巨反譏責也反馳音蔽反祭嗒然謂亡合體反  
負反也解也玫瑰也梅也又四字下又古回反火珠焦消  
也反也鑽也惡也反也欺調下徒反也拷音迭徒更逆也反鬻音餘  
賣也也鹹鹵也咸魯二字不生草木味蚊蚋下音而文  
跨馬化反也喘息也失杵音具也反也悍音勇也

大乘大悲分陀利經卷第六

駒八

失譯師名附 秦錄

歎品第十八

善男子尔時國大師海濟婆羅門住寶藏如  
 來前乾闥婆世人前立如是具大悲五百願  
 而白佛言世尊若我如是意不滿不於來世

賢劫五濁重結散亂惡世冥時盲無導師無  
 引導師為見所困長處冥世造無間者乃至  
 如前所說若我不能具成如是佛事如我立  
 願者我當還捨菩提願非餘利中善根迴向  
 世尊是我所欲我亦不欲此善根迴向阿耨  
 多羅三藐三菩提不求辟支佛乘亦不求聲

聞乘亦不求人天王位亦不求五欲供具生  
 天之樂又亦不求乾闥婆阿脩羅夜叉羅刹  
 龍迦樓羅亦不求人中生我不於如是等處  
 善根迴向世尊雖說施得大富持戒生天多  
 聞大慧修行無異世尊又說福德生善根迴  
 向隨意皆告世尊我所作施戒聞修福德若  
 我如是立願意不滿者我以是一切善根迴  
 向地獄衆生其有衆生在阿鼻地獄受諸苦  
 切者以是善根令彼得脫於此佛土得生為  
 人值如來法令得羅漢而入涅槃若彼衆生  
 業果不盡令我今命終生阿鼻大地獄中令  
 我一形分為佛土微塵數身令此一一身大  
 如須彌山王令一一身覺如是苦痛如我一  
 身覺苦痛甚令我一一身受佛土微塵數地  
 獄苦切又今現在佛土微塵數十方餘世界  
 中衆生造無間業乃至造作入阿鼻業又復  
 於後乃至過佛土微塵數大劫中於十方佛  
 土微塵數餘佛國中及此佛土衆造無間業